

POSITIONES EX UTROQUE JURE SELECTÆ.

1) Clerici non obstante fori privilegio reconveniri possunt coram judice laico. 2) Nulla est bonorum eccl. alienatio ab ecclesia etiam in ecclesiam facta sine solemnitatibus. 3) His tamen omis- sis potest prælatus ob debitum legitime contractum in ecclesiæ bonis hypothecam constituere generalem. 4) Obligationi residendi non satisfaciunt beneficiati per residentiam mere localem. 5) Utraque potestas statuere potest impedimenta matrimonii. 6) Tortura legitime applicata tanto nostri temporis odio immerito tortuetur. 7) Testamentum injustum ante militiam confectum, sola militia subsequente confirmari absque nova militis declaratione, asserit minus recte Voetius ex L. 15. §. 2. ff. de mil. test.; haec enim ex L. 9. §. 1. & L. 25. D. eod. explicanda est. 8) In Testamento parentum inter liberos si extraneus admisceatur, duo testes non sufficiunt contra Carpzovium. 9) Filius fideicommisso gravatus a Patre & legitimam & trebellianicam detrahit, et si legitima sit semis. 10) In codicillo fœmina testis esse nequit. 11) Obligatus ad faciendum non liberatur præstando interesse. 12) Poenalis stipulatio non novat obligationem. 13) Actioni pignoratitiæ debito non soluto non potest præscribi.

O. A. M. D. G.



